

429

QUÆSTIO MEDICA, ⁹³

*QUODLIBETARIIS DISPUTATIONIBUS,
manè discutienda, in Scholis Medicorum, die Jovis
decimâ-quartâ Novembris.*

M. JOSEPHO PITTON TOURNEFORT,
Doctore Medico, Præside.

An morborum curatio ad Mechanicâ leges referenda?

I.

EX medicamentis, alia per superiora excludunt, vomitu, anacatharsi, sternutatione, ptyalifimo. Alia per inferiora subducunt, catharsi, diuresi, catameniis. Nonnulla per universam cutim, diaphoresi tum manifestâ, tum insensibili. Cætera humores & partes ad naturalem statum adducunt. Horum omnium actio tam mirabilis, quàm multiplex, à propriâ partium structurâ & motu pendens ad solas qualitates primas referri non debet. Oculis rerum causis, aut inanitionis metui; Archæo vel spiritui universali minimè tribui: cum hirudinis, cucurbitulæ, succini, aut magnetis viribus nequaquam comparari. Inania planè verba, nisi eorum notiones cum vi mechanicâ conjungantur. Quid ipsa caliditas, frigiditas, siccitas, & humiditas? nisi singularis dispositio quorundam corporum. Quid magnetica virtus? nisi ferri lapidei, & materiæ magnetica symmetria & concensus. Quid hirudinum & cucurbitularum attractio sine aëris gravitate, & elatere? Quid Archæus faber, Spiritus universalis, Anima mundi? fabula, vel materia tenuissima, egregiè mobilis, penetrabilis, cuncta movens. Sui singulis corporibus inest conformatio. Quæ clavim inter & scram, cochleam & receptaculum proportio, eadem sæpe adest inter cætera corpora. Eadem eorum quæ visum fugiunt, ac cum afficiunt leges. Asclepiadæi ad magnitudines, & figuras, ac posituras corpusculorum, ac meatuum, facultates medicamentorum jamdiu retulerunt. Eadem quippe semper est naturæ vox, nec notiones naturales diversæ, sed harum quis curam habet! risit tunc Galenus, alter ab Hippocrate medicinæ princeps, refellere conatus est, nec tamen ipse in viribus medicamentorum exponendis, carere potuit partium tenuitate, atque crassitie. Quid hisce felicissimis temporibus exequemur, ad disciplinarum incrementum magis opportunis?

II.

QUEM æsophagi, ventriculi, & intestinorum nomine appellantur ductum, musculus ille est concavus, & glandula conglomerata. Hujus liquor ad alimentorum solutionem, fibræ ad eorum per inferiora expulsionem comparatæ sunt. Promoveretur hæc ab ingestorum pon-

dere, diaphragmate, & musculis abdominis. Præclusis à pyloro ad anum viis, contenta gradum revocare necessum est. In causâ hæc sunt: Præpostera fibrarum ventriculi contractio: Materia inferiores vias obstruens: Violentus diaphragmatis, & musculorum abdominis motus. In vomitu à medicamento fibrarum ventriculi contractio non invertitur, pylori & intestinorum cavitas non intercluditur. Ergo ventriculus & intestina velut à torculari premuntur à diaphragmate, & musculis infimi ventris, ut quilibet in seipso observare potest, quo tempore vomit. Eorum potentia ventriculi conatum superare luculenter demonstratur in cane vivo, qui mercurium sublimatum voravit. Contra in purgatione contractio fibrarum ventriculi major est vi musculorum abdominis & diaphragmatis; ob varium nempe sensum ab emeticis & à purgantibus excitatum, major vel minor spirituum copia fluit in ventriculum, vel in diaphragma, & musculos infimi ventris. Cum primum purgantia in ventriculum descenderint, ejus villi ad contractionem incitantur. Quo vehementius, eo facilius per inferiora pellunt. Glandulæ inter eos posite fortius expressæ, per iteratas vias aptiores sunt ad serum assidue allabens copiosius excipiendum: Sic sponsia quæ manibus tractatur, longè majorem aquæ copiam fundit, quam altera quæ inmotâ manet, cum ad utramque æqualiter aqua decurrit ex tubo bifido. Sanguis igitur in purgatione colluviem serosam copiosius deponit in glandulas ventriculi & intestinorum, quam cæterarum partium: despumatur ipse, & universum corpus eluit. In vomitu verò abdominis partes geminatis ictibus mundantur à sordibus, ut vestes à lotricibus. Tantam munditiam etiam in prosperâ valetudine, rer in mense requirebat Hippocrates in humidioribus, bis in siccioribus. Emetica per breviorē viam noxios, aut superfluos humores eliminant absque metu transfusionis in sanguinem, ut catharsis per lacteas sæpe efficit. Sternutatoria & Erhina è glandulis membranæ pituitariæ serum eliciunt, non secus ac purgantia ex ventriculo & intestinis.

I I I.

UT charta bibula oleo vel aquâ imbuta transmittendis tantum olei, aut aquæ partibus idonea est, cum oleum aquâ permixtum ipsi affunditur; sic jecur semel bile rinctum, tenes urinâ, glandulæ cutis, palati, aliæque, sudore, salivâ, vel humoribus analogis madentes itisdem secerneendis inserviunt. Quæ per glandulas proprios humores ducunt medicamenta, eorum vel copiam afferunt sanguini, illum alterando, vel eosdem à cæteris ejus partibus segregant: hinc uberius illi per intricatula sua fluunt. Diuretica urinæ copiam augent, sanguinem solvendo si acria, sulphureas sanguinis partes cogendo si acida, acidum ipsum excipiendo si absorbentia sunt. Sudorifica humorem è sanguine eliciunt urinæ non absimilem, ut docet Analysis chymica; unde diuretica sæpe evadunt, & diuretica quandoque sudores movent. Vera sudorifica paucæ, diaphoretica plurima: illa adversantur, hæc obsequuntur naturæ. Sudor facilius à labore quàm à medicamento, ob musculorum motum. Hysterica fermentum uterinum ex cæteris sanguinis partibus expediunt, & vias ipsi parant. Effervescebat illud singulis mensibus: unde tenebricosæ vertigines, & reliqui capitis morbi virginibus contingunt circa mensium exitum.

Chirac de
ileo.

Lib. 4. de
viâ. rat.

Lib. 2.
Prophet.

Ruit illud in uteri glandulas, quæ turgidæ venarum orificia compriment, & sanguis per arterias fluit, qualis è victimâ, citoque concrefcit si mulier valer. Mercurius lymphaticam sanguinis partem agitans salivam copiosorem reddit: Hinc sputationes crebræ, quas sequitur humor crassior, saliva analogus, os inflammans & exulcerans, etiam in sanis corporibus. Salivantiæ catharsim sæpius quam diuresim, aut sudorem molitur, propter affinitatem salivæ, & feri intestinalis. Purgantiæ sudores non excitant aut salivationem, quia glandulæ primarum viarum prius ad excretionem parantur: salivales aut cutaneæ nequaquam nisi à frictionibus, aut masticatoriis. Opium modicè sumptum sanguini affert copiam totis similis illi, qui conciliat somnum naturalem, idcirco quietem: Immodicè exhibitum furorem & motus convulsivos, demum affectum soporosum parit; adeo mira est Opii vis sanguinem quasi gradatim funditus liquans. A causticis cuti admotis fungosa caro, seu colatorium novum oritur; serum facilius excipit, quod sero primum imbutum sit. Salis alieni mica in glandulis mammarum, aut cutis nidulans, carcinomatis, elephantiasis, herpetisque sordæ sæpe origo est. Pars veneno infecta, quidquid in sanguine virulenti est, facile fecernit. Dubium an ea tolli debeat?

I V.

MORBUS fermè omnis à fluidis, nec solidæ partes ex seipsis vitium capiunt. Fluida vel nimium fervent, vel nimium morantur in partibus. Viscerum labes pendè omnis ab inflammatione, aut obstructione. Fit illa ab humore devio, cujus motus vel nimius, vel imminutus, vel interceptus. Hæc à materiâ vasa sanguinea, vel meatus & texturam partium occupante. Alterantium classès præcipuæ tres sunt: Calidorum quæ humores perturbantia, caloris aucti, Frigidorum quæ fervorem minuentia, imminuti sensum inferunt: Specificorum quæ sordes abludentia, & abstergentia pristinum statum visceribus, ac humoribus reddunt; Materiam quæ vim evacuantium fugit, sensum edomant, humorem parti dicatum augent, vel explicant: copiosius ille secretus meatus aperit, sordes impactas diluit, à privatis viis ad publicas convehit, vel per obscuras amandat. Hepatica propriè dicenda sunt non quævis aperiencia, leves vasorum sanguineorum obstructiones tollere natura, sed quæ cæcos meatus glandularum hepatis, inquinamenti liberant, bilem seu sulphureas sanguinis partes attenuantia, vel à compedibus cæterarum expedientia: Bilis scilicet irruens cum impetu incerniculum terarum expulsi, & detergit. Cæteri humores id præstare nequeunt cum in proprias bilis vias non penetrant. Idem de cephalicis, splenicis, cæterisque dicendum, quæ partium vitium tollere, easque excrementorum ore pressas levare solent. Qui specifica negant, Corticem Peruvianum, Mercurium, Ipecacuanham, Sulphur, Opium, Corallinam, Staphisigriam, Stibium nusquam norunt. Si medicamentorum vires propius inspicias, omnia specifica sunt. Nonne vacuantium quoque delictus est habendus in variis affectibus? Aliud profecto est vomitum provocare cum Afaro, aliud cum Stibio, Calcantho, Alumine, Ipecacuanha, aut Helboro albo. Immane quantum discrepat Senna à Tamarindis, Cassia ab Aloe, Rheum à Colocythide, Scamonium ab Opopanace & Sagapeno; à Mannâ Elaterium, Bryonia, aut Helleborus niger. Cum ex vario con-

stent partium ordine, non solum vacuant sed humores alterant, & pristinum nitorem partibus restituunt. Tantum inter ipsa discriminis est, quantum inter Opiatam ex resinâ Jalapæ, Croco martis, Myrrhâ, Aquilâ alba, & sale Absinthii; ac potionem à Cassiâ, Mannâ, & syrupo Rosarum.

Fernel
meth. med.
lib. 2. cap.
4.

VENÆ sectione opportunè adhibitâ, majus præsidium nullum est: Sed in secandâ venâ, perinde ac in dijudicandis litibus, falsi quam juris quæstio sæpe sit obscurior. Sanguis vitæ fons plerumque peccat copiâ, fervore, tenuitate, lentore. Exuperans & plus a quo fervens, aut lentus, tardius movetur, nimium moratur in partibus, calore morifico eas corripit, aut fluxionibus obruit. Si tenuior sit, celerius fertur quàm ut suis finibus contineatur. Detrahatur ergo per amplum foramen, & largâ manu, si præsens quærat auxilium. Celerius currit ad vas incisum quia facilis. Qui fluit prior, minori est impedimento proximè sequenti, inde à corde rîvus uberior derivatur. Imminutâ plenitudine, celeritas totius sanguinis augetur in omnibus vasis. Post venæ sectionem tardius fluit quàm in venæ sectione, celerius tamen quàm ante, gratâque refrigeratione singulas partes recreat. Nimius calor oritur, vel à morâ vel à pressione partium sanguinis. Aucto motu recto, lentius, imminuto vehementius effervescent. Nimium à se invicem pressæ decurrunt loca, sic ferventis aquæ sola pressio in machinâ Papinianâ ossa liquat in succum lentum, & forbilem. Sanguis debitâ celeritate à venæ sectione acceptâ, fluidior evadit, facilius sua recrementa ponit, obstructions tollit, rapiens quæ vasis tenacius hærent, vel eorum cavitatem occupant. In venæ sectione non tantum ad vas incisum, sed ad viciniora citius fertur, unde derivatio antiquis sapienter instituta. Ad sunt obices in cerebro tundatur jugularis: sanguis in arteriis summæ arcis celerius fluens, moles evertet sibi oppositas. In anginâ quoque succurrit eadem sectio propter sanguinem vehementius irruentem in carotidem externam. Revulsionem prudenter statuerunt à parte oppositâ & longissimè distante. Dolentibus partibus superioribus incidatur saphæna. Eadem secta suppressos menses revocat, utri impedimenta removens. Pulmo est veluti quædam insula à cæteris partibus discreta. Hujus affectus non magis è malleolo, quam è cubito requirunt sanguinem missum; nisi ratione cerebri aut infimi ventris. His ita expositis, cum medicamenta morbos mechanicè oppugnare verisimile sit, non temerè concludemus.

Ergo morborum curatio ad Mechanicæ leges referenda.

Domini Doctores disputaturi.

M. Carolus Bompart.
M. Nicolaus Andry.

M. Daniel Tassary.
M. Antonius le Clerc.

M. Ludovicus Labbé.
M. Andreas Enguehard,
Professor Regius.
M. Josephus Thomasseau.

M. Claudius Dufresne.

M. Joannes Poisson, Medicus Regis ordinarius.

Proponebat Parisiis **LUDOVICUS LEMERY**,
Parisiinus, Baccalaureus Medicus, A. R. S. H. 1697.